

Ej m'in saquerai

Sur l'air d'I will Survive

Paroles picardes Jean Marie François - 2014

Au cminchmint, j'avoais peur : J'étoais épeuté !
Ej pinsoais point povoér vive sans ti, lo, au côté d'mi,
Pi j'ai rpinsè à tous chés nuits
A ch'mau qu'tu m'os foait à mi.
Mais j'ai djéri, Pi j'ai cminchè à m'erdrécher !

Achteure t'ervlo, Satchè d'neune pèrt,
J'ai rintrè : t'étoais lo, dvant mi,
Aveuc chol tristèche din tes zius !
J'éroais dû canger chol serrule,
Seur, j'éroais dû t'erprin-ne chol clé,
Si jamoais j'éroais pinsè qu'ti
Tu sroais rvénu pour em foaire braire !

Vo, achteure, vo ! Avanche déhors,
Pi vo-t'in d'ichi ! Mi j'én veux pu jamoais t'vir :
Ch'est-ti point ti qui voloais m'tuer à coeups d'adès ?
Croés-tu qu'ej m'in vos tchèr,
Qu'ej m'in vos m'coutcher pi morir ?

Oh non, point mi : Ej m'in rmettrai !
Sié, tant qu'i m'restro coér éd l'amour, à donner, à
rchuvoér,
Mi j'ai coér tout m'vie dvant mi,
Tellemint d'amour din min tchoeur,
Qu'ej m'in rmettrai, Ej m'in saquerai ! Hé ! Hé !

MUSIQUE

Ej prie ch'bon diu qu'i m'donne el forche
D'én point tchèr à terre
Pi d'tracher à rtcheude min tchoeur berzillé in mille
morcieux !
J'avoais passè, oh, tellemint d'nuits,
Pinsant qu'toute étoait fini : J'faisoais que d'braire !
Mais achteure mi j'erdrèche em tête,

Rbèe in face ed ti : Ch'est quiqu'un d'eute!
Ej sus point chlo qu'tu pines : paure sosotte intchaînée à
ti,
Ti tu croéyoais qu'ej t'attindroais,
Mais mi achteure j'm'ai détachée :
Achteure min tchoeur, mi, j'm'in vos l'warder pour échti
qui séro l'tcheur !

MUSIQUE